



醫

鏡

庚申編
馬鍾英




醫酒鏡

庚申編

安吉吳昌碩題





醫鏡

庚申編

編上 人鏡

華陀精於方藥時人以為仙其初偶息於公宜山古
洞前忽聞人論療病之法華躍入洞見二老人華
趨拜曰濟人之道素所好為願乞開悟首座云術
亦不惜恐異日為子累若無高下無貧富無貴賤
不務財賄不憚勞苦矜老恤幼為急然終可脫子
禍華再拜謝曰能從之不敢忘乃受異書

孫思邈道合古今學殫數術盧照鄰革執師資之禮

以事之嘗問思邈曰名醫愈疾其道何由思邈曰
膽欲大而心欲小智欲圓而行欲方詩曰如臨深
淵如履薄冰謂小心也赳赳武夫公侯干城謂大
膽也不為利圖不為義疾行之方也見機而作不
俟終日智之圓也

龐安時父世醫也授以脉訣安時謂為不足為獨取
黃帝扁鵲之脉書治之更益讀靈樞太素甲乙諸
秘書凡經傳百家之涉其道者靡不通貫為人治
病十愈八九輕財如糞土而樂義耐事如慈母而

有常踵門求診者為舍居之親視飪粥藥物必愈而後遣其不可為者必實告之不復為治活人無數病家持金帛來謝不盡取也

許叔微年十一父以時疫母以氣中百日之間併失怙恃及長刻意方書誓欲以救物為心果得盧扁之妙凡有病者無問貴賤診候與藥不受其直所活不可勝計嘗言曰醫之道大矣可以養生可以全身可以盡年可以利天下來世豈可謂之藝與技術為等耶



李杲母王氏寢疾命里中數醫拯之百藥備嘗莫知
為何證而沒乃痛悼不知醫而失其親有願曰若
遇良醫當力學以補吾過聞易水張元素醫名反
下詣學數年盡得其法時人皆以神醫目之及老
欲傳道後世而艱其人會羅天益有志於學杲一
見曰汝來學覓錢醫人乎學傳道醫人乎天益曰
亦傳道耳乃盡授所學

朱震亨學者尊曰丹溪翁幼好學治經為舉子業嘗
慨然曰士苟精一藝以推及物之仁雖不仕於時

猶仕也吾既窮而在下澤不能至遠其可遠者非
醫將安務乎乃悉焚棄所習舉子業一致力於醫
迎候者無虛日無不卽往雖雨雪載道亦不為止
僕夫告痛諭之曰疾者度刻如歲而自逸耶窶人
求藥無不與不求其償困厄無告者不待招注藥
往起之雖百里之遠弗憚也數年之間聲譽鵲起
或以醫來見者皆以葆精毓神開其心至於一語
一默一出處凡有關於倫常者諄諄訓誨使人
奮迅感慨激昂云

姚蒙醫名重海內尤精太素脉言人生死禍福多奇
中性特異於貧人每施方藥却酬金證如危險日
診視二三次不吝富貴欲延則於禮貌間苟不當
意往往勿顧也

孫在公少有聲舉子中尤精於醫學著丹臺藥案發
揮醫經經方兩家指訣又謂傷寒傳變譎詭證治
微密作傷寒捷徑書用以鈴鍵昔人津逮後學蓋
其為醫也志在度世殆將接踵陶貞白孫思邈之
流其學術一本三墳十翼晞古真儒非若世之醫

家以刀圭方寸為能事者

鄭三山受業於東垣能弘其道博覽無不通足跡所
至趨之者若鶩垂五十年全濟者無算嘗慨然曰
是能起吾藥之所及而不能起吾藥之所不及是
能治病者而不能治治病者則吾所濟者狹而所
救者猶末也夫醫之所病病道少所以術不精而
嘗試術精矣而操心不仁其害足以殺人乃輯醫
家炯戒以為殷鑒云

王時中善醫其學包羅恣肆莫能名其術也有疾殆



中國醫藥大學圖書館版權所有

者治之而瘳思有以報之時中笑曰是果以恒醫
遇我耶使我欲金帛為王公富人一舉手而富貴
終世尚何為於此哉方孝孺曰所謂有道而寓於
術者時中之謂也

程衍道儒而兼醫都人士走其門如鶩其醫人也雖
極賤貧但一接手則必端問詳審反覆精思未嘗
有厭怠之色或問以醫何道而能精曰必好學將
何學曰先讀書讀書可以醫乎曰讀書而不能醫
者有之決未有不讀書而能醫者也



家以刀圭方寸為能事者

鄭三山受業於東垣能弘其道博覽無不通足跡所
至趨之者若鶩垂五十年全濟者無算嘗慨然曰
是能起吾藥之所及而不能起吾藥之所不及是
能治病者而不能治治病者則吾所濟者狹而所
救者猶末也夫醫之所病病道少所以術不精而
嘗試術精矣而操心不仁其害足以殺人乃輯醫
家炯戒以為殷鑒云

王時中善醫其學包羅恣肆莫能名其術也有疾殆

者治之而瘳思有以報之時中笑曰是果以恒醫
遇我耶使我欲金帛為王公富人一舉手而富貴
終世尚何為於此哉方孝孺曰所謂有道而富於
術者時中之謂也

程行道儒而兼醫都人士走其門如鶩其醫人也雖
極賤貧但一接手則必端問詳審反覆精思未嘗
有厭怠之色或問以醫何道而能精曰必好學將
何學曰先讀書讀書可以醫乎曰讀書而不能醫
者有之決未有不讀書而能醫者也

喻昌自儒而之禪自禪而之醫故其於醫也有禪寂
之閑趣真儒之熱腸焉殫半生精力著書立說簡
閱前修獨標正旨電驚雷吼辭而闢之弗恤也著
有醫門法律其言曰醫為人之司命先奉大戒為
入門後乃盡破微細諸惑始具活人手眼而成其
為大醫何可妄作聰明草菅人命

林珮琴以制舉之學著聲藝林其祖曾錄方書授之
曰後日習此可以救世乃日課生徒夜閱方書以
油盡為率凡數十年以疾就者皆急之羸童貧兒

匍匐借臻靡不樂効其術起奇疾甚多其有證非
不治卒遷延至死者雖歷久仍悔恨見於詞色也
張璐幼博儒業棄絕科舉息居名山專心醫藥者六
十年其論醫之大病有三一藉世醫之名絕志聖
學株守家傳一為棄儒而醫徒務博覽不卒師傅
一則欺世盜名藉口給之便佞賴聲氣之交通高
車炫術曲體趨時日殺無辜以充食客之腸博妻
子之笑斯乃沉淪業識地獄種子故其教人也以
外息諸緣內心無喘為訓謂醫門學問原非深奧

難明但得悉其要領活法推求自可一肩擔荷勿
浮游游地隨人脚跟云

沈金鰲一生篤學四十以前專心儒書四十以後專
攻醫學著作甚富皆窮極本原嘗曰吾輩讀書無
論事之鉅細皆當懷利濟天下之心非沾沾於博
功名使一己為也其闡發醫藥之作曰尊生書因
憫人生命思有以生之而成蓋以人之生至重必
知其重而有以尊之庶不至草菅人命云
范培園以貧故隱於醫其治病巧發竒中自當道及



搢紳士大夫以至貧戶無不延之終日肩輿行道中不得稍息猶苦未徧然培園窸先下戶而謝高門雖終日無所得亦弗以為恨也

王琢章性慈祥對病者每諄諄誥誡如父母每處方必再三推究有所增減雖深夜必使人叩病者門告之或且深自引咎改易前方不自怙過也

陳典少好方書無所不通獨以治疫為名所交多貴人或勸謀仕則曰吾日活數十百人若以官廢醫是吾日殺數十百人也

葉桂更十七師而成名醫察脉望色聽聲寓形害病
之所在如見五藏癥結治方不執成見嘗云病有
見症有變症有轉症必灼見其初終轉變胞有成
竹而後施之以方否則以藥治人實以人試藥也
臨沒誠其子醫可為而不可為必天資敏悟又讀
萬卷書而後可借術濟世不然鮮有不殺人以藥
餌為刀刃也可乎

徐大椿生有異稟博通今古而尤長於醫每覘人疾
穿穴膏肓能呼肺腑與之作語不自矜炫以醫活

人遇奇難之症必留於家廣求治法以療之不敢
苟且以輕人命或壽以金輒曰余非行道之人可
以貨取此可以動他人余無此例也有業醫者則
誠之曰行醫之要惟存心救人小心敬慎若欺世
徇人止知求利於心何忍其自述云余醫實無師
承惟此敬慎之心或不至誤人耳

羅國煥精醫療人有奇效不求謝所得則以之施貧
乏嘗戒其子孫曰凡治病當以活人為心入人閭
闔容止尤宜慎也

金塗河治極難險症從容處之常云古之名醫曰和
曰緩倉邊奚為耶

金輅精保嬰術終身不計財利不避寒暑不先富後
貧越俗醫家多出入肩輿輅年八十餘猶步行曰
吾欲使貧家子稍受半襁惠耳

呂震名官湖北有政聲忽去官而為人治疾其為醫
也關切精審不雜一他語立方必起草閱數刻始
安一家有病者數人一一處之無倦容暇輒手自
撰論以闡醫理之奧



中國醫藥大學圖書館版權所有

錢經論醫術精覈治病受值必視其貧富貧者嘗謝
不受富人以厚幣遠來則又卻之且諭曰若幣重
不難致他醫何必我我鄰里孤窮疾病者若而人
待我診治安能舍之他適哉

范大捷性仁孝周人之急惟恐不及以醫名郡中其
出療人疾常先往鄰族及貧家而後及舟車之迎
者里中有貧婦將媿忽患痘甚危范自携藥日六
七往曰此婦若危是損二命也後母子俱生居常
訓子弟以修德行善不可有所覬而為之譬如農

夫寧以水旱而廢^考蕪^廢藁人以為名言

高世栻童年喪父家貧無所藉乃棄儒為醫偶有患
病延時醫診藥日投而病日劇因歎曰醫之不可
為也醫治我者若是我治人想亦若是以醫覓利
草菅人命謂天理何更朝夕參究始悔前之所習
皆非醫之根源自後每遇一證必究其本而探其
原處方用藥不同流俗嘗謂醫者人之司命也若
見病即治知其外不知其內究其末不究其原妄
曰醫者意也以妄為意以妄為醫是居盲瞶而云



察秋毫也豈其然哉

陳念祖幼習岐黃卽精其理一切時醫之論能力窮
其非引而歸於至正仕畿輔施方藥全活者不可
勝算著書數十萬言自謂三十餘年從事於醫若
能以此道公之於人亦可起天札而福蒼生也早
歲頗自負出山後斂抑才華每診一病必半日許
纔出一方有難之者其言訥訥然如不能出

醫鏡 庚申編

編下 言鏡

古人有三不朽之事為立德立功立言也蓋名雖為
三而理實一貫要之惟求有濟於民生而已夫有
濟於民生則人之所重莫大乎生死可以拯人之
生死雖韋布之士亦力能為者則莫若乎醫故良
醫處世不矜名不計利此其立德也挽回造化立
起沉疴此其立功也闡發蘊奧聿著方書此其立
言也一藝而三善備醫道之有關於世豈不重且



大耶 臨證指南序

醫者生人之術也醫而無術則不足以生人醫而誤
用其術則不惟不足以生人而其弊反至於殺人
夫醫雖至庸未有忍於殺人者也而才不足以應
紛紜之變學不足以窮古今之宜識不足以定真
偽之幻則其術不精斯日殺生而不自知故為醫
而無才無學無識不可也為醫而恃才恃學恃識
亦不可也必也平心以察之虛心以應之庶乎其
可也夫 回春錄序

欲救人而學醫則可欲謀利而學醫則不可我
疾望醫之相救者何如我之父母妻子有疾
之相救者何如易地以觀則利心自澹矣利
則良心現良心現斯畏心生平時讀書必且研以
小心也臨症施治不敢掉以輕心也夫而後以局
外之身引而進之局內而痛癢相關矣故醫雖小
道而所係甚重略一舉手人之生死因之可不儆
懼乎哉

費伯雄醫方論序

扁鵲論醫病有六不治其二曰輕身重財雲林子以

為非也蓋輕者彼輕也重者彼重也彼輕而我重
之彼重而我輕之則彼之生可活矣不然彼以一
吝而喪生固病者之不智予以一吝而不治亦醫
者之不仁

雲林子醫論

不為宰相便為醫貴之之說也秀才學醫如菜作齋
賤之之說也醫者保身保人本非可賤之術特業
者希圖俸中揣合人情以資糊口是自賤也

醫學
從眾序

聖人設醫道以濟天枉俾天下萬世人盡天年博施



濟衆仁不可加矣

金匱要畧序

古稱醫士為山中宰相謂能變理陰陽調和氣

味操

生殺之柄耳

侶山堂類辨

每見醫者只求多次相延博取財物或冀症久求愈
重索藥資以致病者求生不能求死不得亦知地

獄中早虛左以待乎

冷廬醫話

用藥之法先審有害無害苟能無害是為有利蓋藥

劑一入不出人死豈可復生歷劫長夜永為冤對

無有免離仁者鑑此豈不勉旃

宋 驗養生必用方



習醫者當博覽羣書不得拘守一家之言謂已盡能
事也 冷廬醫話

醫者必議病而用藥毋執方以殺人是乃仁術

蕭息

居醫案篇

善醫者知病勢之盛而必傳也豫為之防無使結聚
無使泛濫無使併合此上工治未病之說也若其
已至於傳則必先求其本後求其標相其緩急而
施治之此又桑榆之收也 徐洵溪表裏上下論
昔人以醫道比之相業謂不為賢相則為明醫以其



利於人者博而濟於世者大也是豈可以易言之乎故願足下之深造而精求之作沈船破釜之舉若得之則生者而後其學可成其道可行於以立身於以成名於以濟世於以成家即於以不朽矣

徐俟齋與宋大樵書

士君子無手刃殺人事然不操刀而甚於殺者有二焉一曰授徒士無恒產略習句讀抗顏為師名曰餬口實則喪心其在老師宿儒聲價愈高門徒益盛謬種流傳害人三世其禍尤烈一曰行醫稍識

藥性略讀湯頭懸壺賣藥病者危急之際以性命
相託而動手輒誤立擠於死不殊乎刀言之慘然
茶餘客語引王澹圃語

醫之為道必其人有中和仁智之德沉潛焉以察其
微反覆焉以窮其變而後能消疵癘益虛孱以平
造物之憾此治病之道昔人所以謂通於治國歟
類證治裁序

夫醫者非仁愛之士不可託也非聰明達理不可任
也非廉潔純良不可信也

初學記

醫以活人為務與吾儒道最切近自唐書列之
而吾儒不屑為世之習醫者不過誦一家之
守一處之方以幸病之偶中不復深為探索是豈
聖賢慈惠生民之盛意哉

戴叔倫語

醫仁術也仁人君子必篤於情則視人猶己問其所
苦自無不到之處若不得其情草草診過用藥無
據多所傷殘醫之過也

喻昌問病論

神明於醫者必有博愛濟眾之仁方便慈悲之力而
後病無不可救

尊生書序

歎無聊便學醫。唉人命關天。此事難知。救人心。做不
得。謀生計不讀方書半卷。只記藥味幾枚。無論臟
腑風勞傷寒瘧利一般的望聞問切。說是談非。要
入世投機。只打聽近日時醫慣用的是何方何味。
試一試。偶然得效。倒覺得希奇。試得不靈。更弄得
無主意。若還死了。只說道藥不錯。病難醫。絕多少
單男獨女。送多少高年父母。折多少壯歲夫妻。不
但分毫無罪。還要藥本酬儀。問你居心。何忍王法。
雖不及天理。實難欺。若果有救世真心。還望你讀

書明理做不來寧可改業營生免得陰誅冥擊
徐
涇溪行醫歎

天下之病千變萬化原無一定之治奈耳食之徒
惟
知執死方以治活病豈非造孽無窮亦何苦人人
皆欲為醫而自取罪戾耶
回春錄

用藥或誤則輕者至重重者至死病家不識藥性以
為疾不可治而不知醫實殺人也可慨也夫
冷廬

醫話

為醫者無一病不窮究其因無一方不洞悉其理無

一藥不精通其性庶幾可以自信而不枉殺人矣
徐洄溪治病分合論

為醫拘常禁不能變通非醫也非學也 儒門事親
越人曰僕不能生人耳不起之病僕能起之是非必
死之病而醫能活之若使病者不死於病而反死
於醫又何異於挺刃是以救人之功小誤傷之罪

大 侶山堂類辨

天地帥道以覆載聖人立醫以濟物道德醫藥皆源
於一醫不通道無以知造物之機道不通醫無以

盡養生之理然欲學此道者必先立其志志立則
格物物格則學專更能敏惠愛物公正無私方合
其道故掌命之職大矣哉

傷寒類證序

治病與作文其道本一貫病者文之題切脉腠理現
見到無游移方成貴果斷某病用某藥一味不可
亂心靈則手敏法熟用益便隨症有新獲豈為症
所難不見古文家萬篇局萬變

何書田論醫詩

天下之民不死於病而死於醫以生人之道為殺人
之具豈不哀哉

四聖心源序



病中備極諸苦而所尤苦者有三物焉一日蟣蟲二
曰鼠孽三曰庸醫夫蟣蟲以大被為阿房而恣其
作孽而所傷者肌膚之細微鼠以藻井為雲夢而
騁其佃漁而所損者不過服食之長物其於人也
非闕死生殄軀命者也若庸醫則不然彼以人命
為草菅而以藥餌為兵刃瞬息之間將寡人之妻
孤人之子豎者以散生者以死其視嚙膚穿墉貪
饕盜竊之罪不萬倍乎

徐俟齋絡野篇

